

**SOALAN-SOALAN LISAN
DI PERSIDANGAN DEWAN NEGERI JOHOR
PADA HARI RABU, 14 MEI 2015**

YB CIK WONG SHU QI (SENAI)
SOALAN 24 (A62)

Sila nyatakan peraturan serta syarat-syarat yang perlu dipatuhi oleh pengusaha pirolisis (pyrolysis) minyak tayar terpakai agar kualiti alam sekitar tidak terjejas.

JAWAPAN YB DATUK HAJI AYUB BIN RAHMAT

Sebelum pengoperasian sesuatu kilang dijalankan, pihak premis adalah dikehendaki mengemukakan Permohonan Awal Tapak (PAT) kepada Jabatan Alam Sekitar (JAS) untuk menilai kesesuaian tapak bagi sesebuah cadangan kilang tersebut terhadap gunatanah sekitar sedia ada. JAS akan menilai permohonan tersebut dengan mengambilkira faktor kesan kepada reseptor sedia ada yang terletak di dalam radius penerimaan kesan pencemaran akibat dari pembangunan yang akan dijalankan terutama sekali pembangunan industri dengan aktiviti yang berpotensi menjadi punca pencemaran dan mendatangkan impak kepada persekitaran.

JAS terlebih dahulu akan mengambilkira mengenai kecukupan kawasan penampakan atau jarak, yang memisahkan antara industri atau aktiviti dari kawasan kediaman atau reseptor sensitif yang lain. Kriteria zon penampakan diberi keutamaan adalah supaya meminimalkan tahap atau impak yang akan diterima oleh persekitaran/reseptor (penduduk dsb) sekiranya operasi kilang tersebut menghasilkan pencemaran.

Selain dari mengambilkira jarak penampakan, kriteria lain yang penting seperti keselarasan zon penggunaan tanah di tapak cadangan dengan Rancangan Tempatan Daerah, keserasian aktiviti cadangan dengan aktiviti persekitaran seperti penerimaan sensitif (contohnya loji rawatan air, sekolah, perumahan dsb) serta 'Environmentally Sensitive Area' yang dikenali dalam Rancangan Fizikal Negara juga diambilkira semasa memberi ulasan. Ini adalah untuk memastikan bahawa sesuatu permohonan pembangunan industri dilihat dari semua sudut terutama sekali mengenai impak kepada alam sekitar yang dijangkakan akan terjana akibat dari pelaksanaan aktiviti-aktiviti ini kelak.

JAS juga telah menerbitkan "**Guidelines For Siting & Zoning of Industry And Residential Areas**" edisi Oktober 2012 pada tahun 2012. Garis panduan yang disediakan ini telah menerangkan kriteria pemilihan tapak bagi industri terutamanya bagi kriteria zon penampakan dan kesesuaian tapak.

JAS sentiasa menjalankan kerja-kerja penguatkuasaan undang-undang dan peraturan-peraturan alam sekitar ke atas kilang-kilang yang berhampiran penempatan penduduk bagi memastikan aktiviti perindustrian di kawasan tersebut mematuhi perundangan sedia ada.

Selain daripada syarat-syarat di bawah peruntukan Akta Kualiti Alam Sekeliling 1974, JAS juga mensyaratkan keperluan pengendalian tangki skid. Reka bentuk tembok